

5.7. Жалпы Жиналыстар аралығындағы Бірлестік басқаруының өкілдік органы ретінде Бірлестік Авторлық кеңесінің төрағасы басшылығымен жұмыс атқаратын Жалпы Жиналыспен, осы Жарғының 5.9. тармағының ережелерін ескере отырып, 5 (бес) жыл мерзімге сайланатын 7 (жеті) адамнан тұратын Бірлестік Авторлық кеңесі болып табылады. Бірлестік Авторлық кеңесінің құрамына қызметі бойынша Жалпы Жиналыс сайлаған Бас директор кіреді.

5.8. Бірлестік Авторлық кеңесі өз отырыстарын қажеттілікке қарай өткізеді, бірақ жылында бір реттен кем болмауға тиіс. Бірлестік Авторлық кеңесі Бірлестік Авторлық кеңесінің төрағасымен шақырылады. Бірлестік Авторлық кеңесі бұған қоса Бас директордың бастамасымен немесе Бірлестік Авторлық кеңесінің мүшелерінің жартысынан кем емес санының талабы бойынша шақырылады.

5.9. Авторлық кеңес өз өкілеттігі мерзімі ішінде өз еркімен Жалпы Жиналыс сайлаған Авторлық кеңесінің мүшелерінің жалпы санынан елу пайызға дейінгісін Авторлық кеңесінің құрамына енгізуге немесе құрамынан шығарып тастауға құқылы, мұндай қабылданған шешімдер келесі Жалпы Жиналыста бекітілуге тиіс.

5.10. Бірлестіктің Авторлық кеңесі:

1) өз құрамынан Авторлық кеңесінің Төрағасын, Төрағаның орынбасарын және жауапты хатшысын сайлайды.

2) Бас директордың ұсынысы бойынша жиналған сыйақының бөлу және төлеп беру жалпы тәртібін бекітеді;

3) Бас директордың ұсынысы бойынша лицензия бермей сыйақы жинау жалпы тәртібін және пайдаланушылармен жасалатын лицензиялық келісім-шарттарының негізгі формаларын белгілейді;

4) Бас директордың ұсынысы бойынша Бірлестіктің жылдық қаржы жоспарын бекітеді;

5) жыл сайын Бірлестіктің Бас директоры ұсынған Бірлестіктің шығындары туралы есебін бекітеді және Бірлестіктің Тексеру комиссиясымен келісілген жылдық есеп, сонымен бірге жылдық бухгалтерлік балансты бекітеді;

6) Жалпы Жиналыс шешімдері бойынша құрылған арнайы қорлар туралы Ережелерді бекітеді;

7) Бірлестік мүшелігіне қабылдау туралы Ережені бекітеді;

8) Жалпы Жиналысты шақырады; Жалпы Жиналыстың өкілдік нормасын, күнін, уақытын, орнын және шақырылу тәртібін белгілейді;

9) Бірлестіктің басқа органдарының құзыретіне кірмейтін және осы Жарғыда көрсетілген басқа да мәселелерді қарайды және шешеді.

5.11. Егер Бірлестік Авторлық кеңесінің отырысында оның мүшелерінің және/немесе олардың сенімхат бойынша өкілдерінің жартысынан көбі қатысса отырыс құқық өкілеттігі бар болып табылады. Шешімдер Авторлық кеңесінің отырысына қатысқан мүшелерінің дауыстардың жәй көпшілігімен кворум болған жағдайда қабылданады. Дауыс беру нысаны Бірлестік Авторлық кеңесімен белгіленеді.

5.12. Бірлестіктің Бас директоры шешімі бойынша Авторлық кеңесінің мүшелеріне олардың Бірлестік Авторлық кеңесінің мүшелерінің функцияларын орындауға байланысты шығындары өтелуі мүмкін.

5.13. Бірлестік Авторлық кеңесінің Төрағасы Авторлық кеңесін басқарады және Бірлестік Авторлық кеңесінің қызметіне жалпы басшылық жасайды. Осы мақсаттарда Бірлестік Авторлық кеңесінің Төрағасы:

1) Бірлестік Авторлық кеңесінің отырыстарын шақырады;

2) Жалпы Жиналыста және Бірлестік Авторлық кеңесінің отырыстарында төрағалық етеді;

3) Бірлестік Авторлық кеңесінің қарауына тиесілі мәселелерді дайындауға жалпы басшылық етеді;